

摛藻堂四庫全書薈要

子部

欽定四庫全書會要

子部

家語卷一

二



臣

王杰詳校

詳校官員外郎臣潘紹觀

御製題宋版家語

天祿青藜信也夫何於家語却相違孫傳孫辨名因正  
明影宋刊世已稀多漏鮮全斯乃萃鈎元提要志焉希  
臥然敬對君為政一語興邦凜敕幾



金  
庚  
四  
月  
全  
書

御製詩

欽定四庫全書叢要

家語目錄

卷一

相魯

始誅

王言解

大婚解

儒行解

問禮

五儀解

卷二

致思

三怒

好生

卷三

觀周

弟子行

賢君

辯政

卷四

六本

辯物

哀公問政

卷五

顏回

子路初見

在厄

入官

困誓

五帝德

卷六

五帝

執轡

本命解

論禮

卷七

觀鄉射

郊問

五刑解

刑政

禮運

卷八

冠頌

廟制

辯樂解

問玉

屈節解

卷九

七十二弟子解

本姓解

終記解

正論解

卷十

曲禮子貢問

子夏問

公西赤問

臣等謹案家語十卷漢王肅注肅自序云鄭

氏學行五十載矣義理不安違錯者多是以  
奪而易之孔子二十二世孫有孔猛者家有

其先人之書昔相從學頃還家方取以來與予所論有若重規疊矩考漢書藝文志有孔子家語二十七卷顏師古注云非今所有家語禮樂記稱舜彈五弦之琴以歌南風鄭注其詞未聞王肅聖證論引家語阜財解愠之詩以難康成孔穎達疏亦云家語不足據故王柏家語考曰四十四篇之家語乃王肅自取左傳國語荀孟二戴記割裂織成之孔衍

之序亦王肅自為也獨史繩祖學齋佔俾曰  
大戴一書雖列之十四經然其書大抵襍取  
家語之書分析而為篇目其公冠篇載成王  
冠祝辭內有先帝及陛下字周初豈曾有此  
家語止稱王字當以家語為正今攷陛下離  
顯先帝之光曜已下篇內已明云孝昭冠辭  
繩祖誤連為祝雍之言殊未之考蓋王肅襲  
取公冠篇為冠頌已誤合孝昭冠辭于成王

冠辭故刪去先帝陛下字竄改王字家語襲  
大戴非大戴襲家語就此一條亦其明證其  
割裂他書亦往往類此反覆考證其出于王  
肅無疑特其流傳既久且遺文軼事往往多  
見于其中故自唐以來知其偽而不能廢也  
其書自明以來傳本頗稀故何孟春註自云  
未見王肅本王鏊震澤長語亦稱家語今本  
為近世妄庸所刪削惟有王肅注者今本所

無多具焉則亦僅見之也周亮工書影曰閩  
徐興公家有王肅注家語中缺二十餘頁毛  
子晉家亦有宋刻王肅注者與興公藏本稍  
異憾不能合毛徐二本對校刊行今徐本不  
知存佚此即毛晉所藏宋本較之坊刻猶為  
近古者矣乾隆四十三年二月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

目錄

# 家語原序

鄭氏學行五十載矣自肅成童始志于學而學鄭氏學矣然尋文責實考其上下義理不安違錯者多是以奪而易之然世未明其款情而謂其苟駁前師以見異于人乃慨然而歎曰豈好難哉予不得已也聖人之門方壅不通孔氏之路枳棘充焉豈得不開而辟之哉若無由之者亦非予之罪也是以撰經禮申明其義及朝論制度皆據所見而言孔子二十二世孫有孔猛者家有

其先人之書昔相從學頃還家方取已來與予所論有  
若重規疊矩昔仲尼曰文王既歿文不在茲乎天之將  
喪斯文也後死者不得與於斯文也天之未喪斯文也匡  
人其如予何言天喪斯文故令已傳斯文於天下令或  
者天未欲亂斯文故令從予學而予從猛得斯論以明  
相與孔氏之無違也斯皆聖人實事之論而恐其將絕  
故特為解以貽好事之君子語云牢曰子云吾不試故  
藝談者不知為誰多妄為之說孔子家語有琴張一名

牢字子開亦字張衛人也宗魯死將往弔孔子止焉春  
秋外傳曰昔堯臨民以五說者曰堯五載一巡狩五載  
一巡狩不得稱臨民以五經曰五載一巡狩此乃說舜  
之文非說堯孔子說論五帝各道其異事於舜云巡狩  
天下五載一始則堯之巡狩年數未明周十二歲一巡  
寧可言周臨民以十二乎孔子曰堯以上德王天下而  
色尚黃黃土德五土之數故曰臨民以五此其義也王

肅序

欽定四庫全書

原序

欽定四庫全書

家語卷一  
萬一百十二

子部

漢 王肅 注

相魯第一

孔子初仕為中都宰

中都魯邑

制為養生送死之節長幼異

食如禮年十強弱異任

謂力作之事各從所任

不用弱也男女別塗路

無拾遺器不彫僞彫畫無文

飾不詐僞為四寸之棺五寸之槨

以木為因丘陵為墳不封

不聚土以起墳者也不樹

松栢行之一年而

西方之諸侯則焉

魯國在東故西方諸侯皆法則

定公謂孔子曰學子

此法以治魯國何如孔子對曰雖天下可乎何但魯國

而已哉於是二年定公以為司空乃別五土之性

五土之性

一曰山林二曰川澤三曰丘陵四曰墳衍五曰原隰而物各得其所生之宜

所生之物各得

其咸得厥所先時季氏葬昭公于墓道之南

季平子遂昭公死于

乾侯平子別而葬之孔子溝而合諸墓焉謂季桓子曰

之不令近先公也

賤君以彰己罪非禮也

桓子平子之子

今合之所以掩夫子之

不臣由司空為大司寇設法而不用無奸民定公與齊

侯會于夾谷孔子收相事曰臣聞有又事者必有武備  
有武事者必有文備古者諸侯出疆必具官以從請具  
左右司馬定公從之至會所為壇位土階三等以遇禮  
相見會遇之禮  
禮之簡畧者也揖讓而登獻酢既畢齊使萊人以兵  
鼓譖劫定公萊人齊人宋人  
夷雷鼓曰譖孔子歷階而進以公退曰士  
以兵之吾兩君為好裔夷之俘敢以兵亂之裔邊裔夷  
夷狄俘軍所獲虜也言此三者何  
敢以兵亂兩君之好也非齊君所以命諸侯也裔不謀

夏夷不亂華

華夏中

國之名俘不干盟兵不偏好於神為不祥

於德為愆義於人為失禮君必不然齊侯心怍靡而避之有頃齊奏宮中之樂俳優侏儒戲於前孔子趨進歛階而上不盡一等曰匹夫熒侮諸侯者罪應誅請右司馬速加刑焉於是斬侏儒手足異處齊侯懼有慙色將盟齊人加載書曰齊師出境而不以兵車三百乘從我者有如此盟孔子使茲無還對曰魯大夫也而不返我汶陽之田吾以供命者亦如之齊侯將設享禮孔子謂梁丘據曰齊魯之故吾子何不聞焉梁丘據舊聞齊魯之故事既成矣

而又享之是勤執事且犧象不出門

作犧牛及象於其背為鑄嘉樂

不野合享而既具是棄禮若其不具是用粶

粶不為穀之成者

粶草之似穀者用粶粶君辱棄禮名惡子盍圖之夫享所以昭

德也不昭不如其已乃不果享齊侯歸責其羣臣曰魯

以君子道輔其君而子獨以夷狄道教寡人使得罪於

是乃歸所侵魯之四邑及汶陽之田

四邑鄭譙龜陰也洙有汶陽之田本

魯界孔子言於定公曰家不藏甲

卿大夫稱家甲鑑也

邑無百雉之

城高丈長丈曰堵三堵曰雉古之制也今三家過制請皆損之乃使

季氏宰仲由隳三都叔孫不得意於季氏因費宰公山  
弗擾率費人以襲魯孔子以公與季孫叔孫孟孫入于  
費氏之宮登武子之臺費人攻之及臺側孔子命申句  
須樂頑勒士衆下伐之費人北遂隳三都之城彊公室  
弱私家尊君卑臣政化大行初魯之販羊有沈猶氏者  
常朝飲其羊以詐市人有公慎氏者妻淫不制有慎潰  
氏奢侈踰法魯之鬻六畜者飾之以儲價及孔子之為  
政也則沈猶氏不敢朝飲其羊公慎氏出其妻慎潰氏

越境而徙三月則鬻牛馬者不儲價賣羔豚者不加飾  
男女行者別其塗道不拾遺男尚忠信女尚貞順四方  
容至於邑者不求有司有司常供其職客皆如歸馬言

不求而有司存焉皆如歸馬言

歸家無所之也

## 始誅第二

孔子為魯司寇攝行相事有喜色仲由問曰由聞君子  
禍至不懼福至不喜今夫子得位而喜何也孔子曰然  
有是言也不曰樂以貴下人乎於是朝政七日而誅亂

政大夫少正卯戮之于兩觀之下

兩觀  
闕名

尸於朝三日子

貢進曰夫少正卯魯之間人今夫子為政而始誅之或

者為失乎孔子曰居吾語汝以其故天下有大惡者五

而竊盜不與焉一曰心逆而險二曰行僻而堅三曰言

偽而辯四曰記醜而博

醜謂非義

五曰順非而澤此五者有

一於人則不免君子之誅而少正卯皆兼有之其居處

足以撮徒成黨

撮聚

其談說足以飾褒榮衆其彊禦足以

反是獨立此乃人之奸雄也不可以不除夫殷湯誅尹

謂文王誅潘正周公誅管蔡太公誅華士

士之為人虛偽以聚黨也

而韓非謂華士畔而後食鑿井而歛信其如此而太公誅之豈所以謂太公者哉管仲誅付乙

子產誅鄧析史何凡此七子皆異世而同誅者以七子異世而同惡故不可赦也詩云憂心悄悄惄于羣小小人成羣斯足憂矣孔子為魯大司寇有父子訟者夫子同狴執之狴獄牢也三月不別其父請止夫子赦之馬季孫聞之不悅曰司寇欺余曩告余曰國家必先以孝余今戮一不孝以教民孝不亦可乎而又赦何哉冉有以告孔子

子喟然歎曰嗚呼上失其道而殺其下非理也不教以  
孝而聽其獄是殺不辜三軍大敗不可斬也獄犴不治  
不可刑也何者上教之不行罪不在民故也夫慢令謹  
誅賊也徵斂無時暴也不試責成虐也政無此三者然  
後刑可即也書云義刑義殺勿庸以即汝心惟曰未有  
慎事言必赦而後刑也庸用也即就也刑殺皆當以義  
勿用以就汝心之所安當謹自  
謂未有順事且陳道德以服之以無刑殺而後為順是先教而後刑也既陳道德以先服  
之而猶不可尚賢以勸之又不可即廢之又不可而後

以威憚之若是三年而百姓正矣其有邪民不從化者  
然後待之以刑則民咸知罪矣詩云天子是毗俾民不  
迷當毗輔也俾使也言師尹是以威厲而不試刑錯而不  
當毗輔天子使民不迷

用今世則不然亂其教繁其刑使民迷惑而陷焉又從  
而制之故刑彌繁而盜不勝也夫三尺之限空車不能  
登者何哉峻故也百仞之山重載陟焉何哉陵遲故也  
陵遲猶陂弛也今世俗之陵遲久矣雖有刑法民能勿踰乎

### 王言解第三

孔子閒居曾參侍孔子曰參乎今之君子惟士與大夫之言聞也至於君子之言者希也於乎吾以王言之其不出戶牖而化天下曾子起下席而對曰敢問何謂王者言孔子不應曾子曰侍夫子之間也難對是以敢問孔子又不應曾子肅然而懼摶衣而退負席而立有頃孔子歎息頤謂曾子曰參汝可語明王之道與曾子曰非敢以為足也請因所聞而學焉子曰居吾語汝夫道者所以明德也德者所以尊道也是以非德道不尊非

道德不明雖有國之良馬不以其道服乘之不可以取  
道里雖有博地衆民不以其道治之不可以致霸王是  
故昔者明王內修七教外行三至七教修然後可以守  
三至行然後可以征明王之道其守也則必折衝千里  
之外其征也則必還師衽席之上故曰內修七教而上  
不勞外行三至而財不費此之謂明王之道也曾子曰  
不勞不費之謂明王可得聞乎孔子曰昔者帝舜左禹  
而右臯陶不下席而天下治夫如此何上之勞乎政之

不中君之患也令之不行臣之罪也若乃十一而税用  
民之力歲不過三日入山澤以其時而無征關譏市廊  
皆不收賦譏呵也譏異服識異言及市廊皆不賦稅古之法也此則生財之路而

明王節之何財之費乎曾子曰敢問何謂七教孔子曰

上敬老則下益孝上尊齒則下益悌上樂施則下益寬  
上親賢則下擇友上好德則下不隱上惡貪則下恥爭  
上廉讓則下恥節此之謂七教七教者治民之本也政  
教定則本正矣凡上者民之表也表正則何物不正是

樸慤貌

故人君先立仁於已然後大夫忠而士信民敦而俗樸  
男慤而女貞六者教之至也布諸天下四方而不  
怨納諸尋常之室而不塞等之以禮立之以義行之以  
順則民之棄惡如湯之灌雪焉曾子曰道則至矣弟子  
不足以明之孔子曰參以為姑止乎又有焉昔者明王  
之治民也法必裂地以封之分屬以理之然後賢民無  
所隱暴民無所伏使有司日省而時考之進用賢良退  
貶不肖則賢者悅而不肖者懼哀鶯寡養孤獨恤貧窮

誘孝悌選才能此七者修則四海之內無刑民矣上之親下也如手足之於腹心矣下之親上也如幼子之於慈母矣上下相親如此故令則從施則行民懷其德近者悅服遠者來附政之致也夫布指知寸布手知尺舒肘知尋斯不遠之則也周制三百步為里千步而井三井而埒埒三而矩此說里數不可以言井  
井自方里之名疑此誤五十里而都封百里而有國乃為福積資求焉恤行者之有亡是以蠻夷諸夏雖衣冠不同言語不合莫不來賓故曰無市

而民不乏無刑而民不亂田獵罩弋罩掩網非以盈宮

弋

繳射

非以盈宮

室也徵斂百姓非以盈府庫也惄怛以補不足禮節以  
損有餘多信而寡貌其禮可守其言可復其迹可履如  
渴而飲民之信之如寒暑之必驗故視遠若邇非道邇  
也見明德也是故兵革不動而威用利不施而親萬民  
懷其惠此之謂明王之守折衝千里之外者也曾子曰  
敢問何謂三至孔子曰至禮不讓而天下治至賞不費  
而天下士悅至樂無聲而天下民和明王篤行三至故

天下之君可得而知天下之士可得而臣天下之民可得而用曾子曰敢問此義何謂孔子曰古者明王必盡知天下良士之名既知其名又知其實又知其數及其所在焉然後因天下之爵以尊之此之謂至禮不讓而天下治因天下之祿以富天下之士此之謂至賞不費而天下之士悅如此則天下之民名譽興焉此之謂至樂無聲而天下之民和故曰所謂天下之至仁者能合天下之至親也所謂天下之至明者能舉天下之至賢者也此三

者咸通然後可以征是故仁者莫大乎愛人智者莫大乎知賢賢政者莫大乎官能有土之君修此三者則四海之內供命而已矣夫明王之所征必道之所廢者也是故誅其君而改其政弔其民而不奪其財故明王之政猶時雨之降降至則民悅矣是故行施彌博得親彌衆此之謂還師衽席之上言安安而無憂

### 大婚解第四

孔子侍坐於哀公公問曰敢問人道誰為大孔子愀然

作色而對曰君及此言也百姓之患也固臣敢無辭而  
對人道政為大夫政者正也君為正則百姓從而正矣  
君之所為百姓之所從君不為正百姓何所從乎公曰  
敢問為政如之何孔子對曰夫婦別男女親君臣信三  
者正則庶物從之公曰寡人雖無能也願知所以行三  
者之道可得聞乎孔子對曰古之政愛人為大所以治  
愛人禮為大所以治禮敬為大敬之至矣大婚為大大婚  
至矣冕而親迎者敬之也是故君子興敬為親捨敬則

是遺親也弗親弗敬弗尊也愛與敬其政之本與公曰

寡人願有言也然冕而親迎不已重乎孔子愀然作色

而對曰合二姓之好以繼先聖之後以為天下宗廟社

稷之主君何謂已重乎

魯周公之後得郊天故言以為天下之主也

公曰寡

人實固

鄙陋

不固安得聞此言乎寡人欲問不能為辭

請少進孔子曰天地不合萬物不生大婚萬世之嗣也

君何謂已重乎孔子遂言曰內以治宗廟之禮足以配

天地之神

言宗廟天神之次

出以治直言之禮足以立上下之敬

夫婦正則始可以治政言禮

心事不  
足

矣身正然後可以正人者也

知禮足

以振國恥足以興之

國不知足  
以興起者也

故為政先乎禮禮其

政之本與孔子遂言曰昔三代明王必敬妻子也蓋有

道焉妻也者親之主也子也者親之後也敢不敬與是

故君子無不敬敬也者敬身為大身也者親之枝也敢

不敬與不敬其身是傷其親是傷本也傷其本則枝從

之而亡三者百姓之象也

言百姓之所法而行

身以及身子以及

予妃以及妃君以修此三者則大化順乎天下矣

滿愾昔

太王之道也

太王出亦姜女入亦姜女國無鯀民愛其身以及人之身愛其子以及人之子故曰

太王之道如此國家順矣公曰敢問何謂敬身孔子對曰君

子過言則民作辭過行則民作則言不過辭動不過則百姓恭敬以從命若是則可謂能敬其身敬其身則能成其親矣公曰何謂成其親孔子對曰君子者乃人之成名也百姓與名謂之君子則是成其親為君而為其子也孔子遂言曰愛政而不能愛人則不能成其身不能成其身則不能安其土不能安其土則不能樂天

天道

也不能樂天則不能成其身公曰敢問何能成身孔子對曰夫其行已不過乎物謂之成身不過乎合天道也公曰君子何貴乎天道也孔子曰貴其不已也如日月東西相從而不已也是天道也不閉而能久不閉常通而能久言無極是天道也無為而物成是天道也已成而明之是天道也公曰寡人且愚冥言愚冥也幸煩子之於心欲煩孔子議識其心所能行也孔子蹴然避席而對曰仁人不過乎物孝子不過乎親是故仁人之事親也如事天事天如事親此

謂孝子成身公曰寡人既聞如此言無如後罪何孔子對曰君子及此言是臣之福也

儒行解第五

孔子在衛冉求言於季孫曰國有聖人而不能用欲以求治是猶却步而欲求及前人不可得已今孔子在衛衛將用之已有才而以資鄰國難以言智也請以重幣迎之季孫以告哀公公從之孔子既至舍哀公館焉孔就

子公自阼階孔子賓階升堂立侍公曰夫子之服其儒

服與孔子對曰丘少居魯衣逢掖之衣

深衣之衰大也

長居宋

冠章甫之冠丘聞之君子之學也博其服以鄉

隨其鄉也

未知其為儒服也公曰敢問儒行孔子曰畧言之則不

能終其物悉數之則留更僕未可以對

留久也僕太僕君燕朝則正位

掌僕相更衣之為久將倦使之相代者也

哀公命席孔子侍坐曰儒有席上之

珍以待聘

席上之珍能敷陳先王之道以為政治

夙夜強學以待問懷忠

信以待舉力行以待取

力行仁義道以待人取德

其自立有如此者

儒有衣冠中動作順其大讓如慢

慢簡也

小讓如偽大則

如威小則如媿難進而易退粥粥若無能也其容貌有如此者儒有居處齊難齊莊可畏難也其起坐恭敬言必誠信行必忠正道塗不爭險易之利冬夏不爭陰陽之和愛其死以有待也養其身以有為也其備豫有如此者儒有不寶金玉而忠信以為寶不祈土地而仁義以為土地不求多積多文以為富難得而易祿也易祿而難畜也非時不見不亦難得乎非義不合不亦難畜乎先勞而後祿不亦易祿乎其近人情有如此者儒有委之以財貨而不貪淹之以

樂好而不淫劫之以衆而不懼沮之以兵而不憚見利不

虧其義見死不更其守往者不悔來者不豫過言不再

過流言不極

流言相毀  
不窮極也

不斷其威

常嚴莊也

不習其謀

不豫習其謀慮

其特立有如此者儒有可親而不可劫可近而不可迫可  
殺而不可辱其居處不過其飲食不溽其過失可微辯而

不可面數也其剛毅有如此者儒有忠信以為甲冑禮義

以為干櫓

干櫓也  
大戰

載仁而行抱德而處雖有暴政不更其

所其自立有如此者儒有一畝之宮環堵之室

方丈曰堵  
一堵言其

小者簾門圭窬

簾門荆竹織門也。圭窬穿牆為之如圭也。

蓬戶甕牖編蓬為戶  
破甕為牖

也易衣而出

更相易衣而後可出

并日而食

并一日之糧以為一食也

上答之不

敢以疑

君用之不敢疑。貳事君也。

上不答之不敢以諂其仕有如此者

儒有今人以居古人以裔

稽同

今世行之後世以為楷也若

不逢世上所不受下所不推讒謗之民有比黨而危之身

可危也其志不可奪也雖危起居猶竟信其志乃不忘百

姓之病也

起居猶動靜也

其憂思有如此者儒有博學而不窮篤

行而不倦幽居而不淫上通而不困禮必以和優游以法

慕賢而容衆毀方而克合去己之大圭角下與衆人小合其寬裕有如此

者儒有內稱不避親外舉不避怨程功積事不求厚祿程

也言功效而  
不求厚祿也推賢達能不望其報君得其志民賴其德苟

利國家不求富貴其舉賢援能有如此者儒有潔身浴德

常自潔淨其身  
沐浴於德行也陳言而伏陳言於君  
不望其報靜言而正之而上下

不知也默而翹之又不急為也言事君清靜因事而止之  
則君不知默而翹發之不

急于不臨深而為高不加少而為多言不因勢  
位自矜莊世治不輕

世亂不沮不自輕同已不與異已不非其特立獨行有如

此者儒有上不臣天子下不事諸侯慎靜尚寬砥厲廉  
隅強毅以與人博學以知服雖以分國視之如錙銖視之如錙銖  
輕如錙銖  
八兩為錙

弗肯臣仕其規為有如此者儒有合志同方

營道同術並立則樂相下不厭久別則聞流言不信義  
同而進不同而退其交有如此者夫溫良者仁之本也  
慎敬者仁之地也寬裕者仁之作也動  
作遜接者仁之能

也禮節者仁之貌也言談者仁之文也歌樂者仁之和  
也分散者仁之施也儒皆兼此而有之猶且不敢言仁

也其尊讓有如此者儒有不隕穫於貧賤

隕穫憂閔不安之貌

充訛於富貴

充訛踊躍參擾之貌

不恩君王不累長上不閔有司

故曰儒

恩辱閔疾言不為君長所辱病儒者中和之名

今人之名儒也忘常以

儒相詬疾

詬辱

哀公既得聞此言也言加信行加敬曰終

沒吾世弗敢復以儒為戲矣

問禮第六

哀公問於孔子曰大禮何如子之言禮何其尊也孔子對曰丘也鄙人不足以知大禮也公曰吾子言焉孔子

曰丘聞之民之所以生者禮為大非禮則無以節事天地之神焉非禮則無以辨君臣上下長幼之位焉非禮則無以別男女父子兄弟婚姻親族疎數之交焉是故君子比為之尊敬然後以其所能教順百姓所能不廢其會節所能謂禮也會謂男女之會節謂親疎之節也既有所成事而後治其文章黼黻以別尊卑上下之等其順之也而後言其喪祭之紀宗廟之序品其犧牲設其豕腊修其歲時以敬祭祀別其親疎序其昭穆而後宗族會饗即安其居以綏

恩義卑其宮室節其服御車不彫璣器不刻鏤食不二  
味心不淫志以與民同利古之明王行禮也如此公曰  
今之君子胡莫之行也孔子對曰今之君子好利無厭  
淫行不倦荒怠慢遊固民是盡以遂其心以怨其政以  
忤其衆以伐有道求得當欲不以其所<sub>言苟求得當</sub>虐  
殺刑誅不以其治夫昔之用民者由前<sub>用上所言</sub>今之用民  
者由後<sub>用下所言</sub>是即今之君子莫能為禮也言偃問曰夫  
子之極言禮也可得而聞乎孔子言我欲觀夏道是故

之祀

夏后封於祀也

而不足徵也

徵成

吾得夏時焉

於四時之正夏數得天

心我欲觀殷道是故之宋

殷後宋

而不足徵也吾得乾坤

焉乾天坤地得天地陰陽之書也

乾坤之義夏時之等吾以此觀之夫

禮初也始於飲食太古之時燔黍

古未有釜甑燔

豚

古未有釜甑燔

米辨肉加於燒

石之上汗樽抔飲

鑿池為樽以手飲之

猶可以致敬鬼神

神饗德不求備

物及其死也升屋而號告曰高某復然後飯腥苴熟

始死

含以珠貝將葬包苴以遺奠以送之

形體則降冤氣則上是謂天望而地

藏也

冤氣升而在天形體藏而在地

故生者南嚮死者北首皆從其初

也昔之王者未有宮室冬則居營窟夏則居棗巢

掘地而居

謂之營窟有柴謂棗在樹曰巢未有火化食草木之實鳥獸之肉飲其

血茹其毛未有絲麻衣其羽皮後聖有作然後修火之

利範金

冶金為器用刑範也

合土

合和以作瓦物

以為宮室戶牖

以炮以牖

以為宮室戶牖

以為宮室戶牖

以為宮室戶牖

燔毛

日炮加大日燔也

以烹以炙

煮之曰烹炮之曰炙

以為醴酪

醴酒醴酒

醴酒醴酒

以為醴酪

其絲麻以為布帛以養生送死以事鬼神故玄酒在室

玄酒

水也言醴

醕酸在戶

醴盃齊也五

齊二

齊三

齊四

染醍在堂

醍深

澄酒在下

澄清漏

陳其犧牲備其鼎俎列其琴瑟管

齊

磬鐘鼓以降上神上神天也與其先祖以正君臣以篤父子

以睦兄弟以齊上下夫婦有所是謂承天之祐作其祝

號犧牲玉帛祝辭皆異為之號也

玄酒以祭薦其血毛腥其俎熟其殼

言雖有所熟猶有所腥腥本不忘古也

越席以坐翦蒲席也

疏布以幕幕覆酒中也實

故用陳也衣其浣帛綫杂以醴醕為祭服

以獻薦其燔炙君與夫人

交獻以嘉魂魄嘉善樂也

然後退而合烹合其烹熟之體

犬豕牛羊體解其牲而薦之

實其簠簋受黍稷之器也

籩豆鉶羹竹曰籩木

日豆鉶所通孝子語於先祖

以盛羹也祝以孝告傳先祖語於孝子

嘏以慈告傳先祖語於孝子

為大祥

祥善

此禮之大成也

五儀解第七

哀公問於孔子曰寡人欲論魯國之士與之為治敢問  
如何取之孔子對曰生今之世志古之道居今之俗服

古之服舍此而為非者不亦鮮乎曰然則章甫絢衢履

章甫冠也約履頭有約飾也紳帶搢笏者皆賢人也紳大帶搢插也所以執書思

對孔子曰不然也丘之所言非此之謂也夫端衣玄  
命

裳冕而乘軒者則志不在於食烹

端衣玄裳齊服也軒軒車蕡辛菜也斬

衰菅菲杖而歎粥者則志不在於酒肉生今之世志古  
之道居今之俗服古之服謂此類也公曰善哉盡此而  
已乎孔子曰人有五儀有庸人有士人有君子有賢人  
有聖人審此五者則治道畢矣公曰敢問何如斯可謂  
之庸人孔子曰所謂庸人者心不存慎終之規口不吐  
訓格之言格法不擇賢以託其身不力行以自定見小閭  
大而不知所務從物如流不知其所執此則庸人也公  
曰何謂士人孔子曰所謂士人者心有所定計有所守

雖不能盡道術之本必有率也

率猶行也

雖不能備百善之

美必有處也是故知不務多必審其所知言不務多必

審其所謂

所務者謂言之要也

行不務多必審其所由智既知之

言既道之

得其要也

行既由之則若性命之於形骸不可易

也富貴不足以益貧賤不足以損此則士人也公曰何

謂君子孔子曰所謂君子者言必忠信而心不怨

怨咎仁

義在身而色無伐

無伐善之色也

思慮通明而辭不專篤行信

道自强不息油然若將可越而終不可及者君子也

油然

不進之貌也越過也公曰何謂賢人孔子曰所謂賢人者德不踰閑行中規繩言足以法於天下而不傷於身言滿天下無口過也道足化於百姓而不傷於本本亦富則天下無宛財  
宛積也古字亦或作此故或施則天下不病貧此賢者也公曰何謂聖人誤不著草矣

孔子曰所謂聖者德合於天地變通無方窮萬事之終始協庶品之自然敷其大道而遂成情性明並日月化行若神下民不知其德覩者不識其鄰此謂聖人也鄰以喻畔界也公曰善哉非子之賢則寡人不得聞此言也雖然寡人生於

深宮之內長於婦人之手未嘗知哀未嘗知憂未嘗知勞

未嘗知懼未嘗知危恐不足以行五儀之教若何孔子對

曰如君之言已知之矣則丘亦無所聞焉

君如此言已為知之故無所復

言謙以誘公曰非吾子寡人無以啟其心吾子言也孔子

進哀公

曰君子入廟如右登自阼階仰視棟桷俯察几筵其器皆

存而不覩其人君以此思哀則哀可知矣昧爽夙興正

其衣冠夾明也昧明始明也夙早興起平旦視朝慮其危難一物失理

亂亡之端君以此思憂則憂可知矣日出聽政至于中

冥

中日中冥昧中

諸侯子孫往來為賓行禮揖讓慎其威儀君

以此思勞則勞亦可知矣緬然長思出於四門周章遠

望覩亡國之墟必將有數焉

言亡國故墟非但一

君以此思懼則

懼可知矣夫君者舟也庶人者水也水所以載舟亦所

以覆舟君以此思危則危可知矣君既明此五者又少

留意於五儀之事則於政治何有失矣哀公問於孔子

曰請問取人之法孔子對曰事任於官

言各當以其所能之事任於官

無取捷捷無取鉗鉗

鉗妾對不謹誠

無取嗙嗙

嗙嗙多言

捷捷貪也

捷捷而不已鉗鉗亂也。嗚嗚誕也。所以為貪也。詐也。

誕欺

故弓調而後求

勁焉。馬服而後求良焉。士必慤而後求智能者不慤而  
多能。譬之豺狼不可邇。言人無智者雖性慈信不能為大惡不慈信而有智然后乃可

畏也。哀公問於孔子曰：寡人欲吾國小而能守大則無攻

其道如何？孔子對曰：使君朝廷有禮，上下和親，天下百

姓皆君之民，將誰攻之？苟違此道，民畔如歸，皆君之讐

也。將與誰守？公曰：善哉！於是廢澤梁之禁，弛關市之稅

以惠百姓。哀公問於孔子曰：吾聞君子不博，有之乎？孔

子曰有之公曰何為對曰為其有二乘公曰有二乘則  
何為不博子曰為其兼行惡道也

此具博三十六道也哀公懼焉

有間復問曰若是乎君之惡惡道至甚也孔子曰君子

之惡惡道不甚則好善道亦不甚好善道不甚則百姓

之親上亦不甚詩云未見君子憂心惄惄亦既見止亦  
既觀止我心則悅詩之好善道甚也如此公曰美哉夫

君子成人之善不成人之惡微吾子言焉吾弗之聞也

哀公問於孔子曰夫國家之存亡禍福信有天命非唯

人也孔子對曰存亡禍福皆已而已天災地妖不能加也公曰善吾子之言豈有其事乎孔子曰昔者殷王帝辛之世紂有雀生大鳥於城隅焉占之曰凡以小生大則國家必王而名必昌於是帝辛介雀之德雀之德助也以不修國政亢暴無極朝臣莫救外寇乃至殷國以亡也此即以已逆天時詭福反為禍者也又其先世殷王太戊之時道缺法圮以致天蘖桑穀生于朝七日大拱占之者曰桑穀野木而不合生朝意者國亡乎太戊恐駭

側身修行思先王之政明養民之道三年之後遠方慕  
義重譯至者十有六國此即以已逆天時得禍為福者  
也故天災地妖所以儆人主者也寤夢徵怪所以儆人  
臣者也災妖不勝善政寤夢不勝善行能知此者至治  
之極也唯明王達此公曰寡人不鄙因此亦不得聞君  
子之教也哀公問於孔子曰智者壽乎仁者壽乎孔子  
對曰然人有三死而非其命也行已自取也夫寢處不  
時飲食不節逸勞過度者疾共殺之吾下位而上干其

君嗜慾無厭而求不止者刑其殺之以少犯衆以弱侮  
強忿怒不類動不量力者兵其殺之此三者死非命也人  
自取之若夫智士仁人將身有節將行動靜以義喜怒以  
時無害其性雖得壽焉不亦宜乎

家語卷一

欽定四庫全書會要一萬一百十三

子部

家語卷二

漢 王肅 注

致思第八

孔子北遊於農山子路子貢顏淵侍側孔子四望喟然而歎曰於斯致思無所不至矣

言思無所不至

二三子各言

爾志吾將擇焉子路進曰由願得白羽若月赤羽若日鐘鼓之音上震於天旆旗繽紛下蟠于地

旆委

由當一隊

而敵之必也攘地千里

攘却舉旗執馘

舉取也取敵之馘旗馘截耳也以效

獲也唯由能之使二子者從我焉夫子曰勇哉子貢復進

曰賜願使齊楚合戰於漭瀆之野

漭瀆廣大之類

兩壘相望塵

埃相接挺刃交兵賜著縞衣白冠

兵凶事故白冠服也

陳說其間

推論利害釋二國之患唯賜能之使夫二子者從我焉

夫子曰辯哉顏回退而不對孔子曰回來汝奚獨無願乎

顏回對曰文武之事則二子者既言之矣回何云焉孔子

曰雖然各言爾志也小子言之對曰回聞薰蕕不同器而

藏薰香  
稻臭

堯桀不共國而治以其類異也回願得明王聖

主輔相之敷其五教

敷布也五教父義母慈兄友弟恭子孝也

導之以禮樂

使民城郭不修溝池不越

言無踰越溝池

鑄劍戟以為農器放

牛馬於原藪

廣平曰原澤無水曰藪也

室家無離曠之思千歲無戰

鬪之患則由無所施其勇而賜無所用其辯矣夫子凜然曰美哉德也子路抗手而對曰夫子何選焉孔子曰不傷財不害民不繁詞則顏氏之子有矣魯有儉嗇者

瓦鬲煮食

瓦金

食之自謂其美盛之土型之器

瓦

以進孔

子孔子受之歡然而悅如受大牢之餚

牛羊豕  
餚饌也

子路曰

瓦甌陋器也煮食薄膳也夫子何喜之如此乎子曰夫

好諫者思其君食美者念其親吾非以饌具之為厚以  
其食厚而我思焉孔子之楚而有鮀者而獻魚焉孔子

不受鮀者曰天暑市遠無所鬻也思慮棄之糞壤不如

獻之君子故敢以進焉於是夫子再拜受之使弟子掃

地將以享祭門人曰彼將棄之而夫子以祭之何也孔

子曰吾聞諸惜其腐餘而欲以務施者仁人之偶也惡

有受仁人之饋而無祭者乎季羔為衛之士師

獄官則人

之足俄而衛有蒯賈之亂

初衛靈公太子蒯賈得罪出奔晉靈公卒立其子辄蒯賈

自晉襲衛時子羔子路竝仕於衛也

季羔逃之走郭門刖者守門焉謂季

羔曰彼有缺季羔曰君子不踰又曰彼有竇季羔曰君

子不隧

隧從竇出

又曰於此有室季羔乃入焉既而追者罷

季羔將去謂刖者吾不能虧主之法而親刖子之足今

吾在難此正子之報怨之時而逃我者三何故哉刖者

曰斷足固我之罪無可奈何曩者君治臣以法令先人

後臣欲臣之免也臣知之獄決罪定臨當論刑君愀然不樂見君顏色臣又知之君豈私臣哉天生君子其道固然此臣之所以悅君也孔子聞之曰善哉為吏其用法一也思仁恕則樹德加嚴暴則樹怨公以行之其子羔乎孔子曰季孫之賜我粟千鍾也而交益親得季孫十鍾之粟以施與衆而交益親自南宮敬叔之乘我車也而道加行孔子欲而西觀周敬叔言於魯君給孔子車馬問禮於老子孔子歷觀郊廟自周而還弟子四方來習也故道雖貴必有時而後重有勢而後行微夫二子之貺財則

丘之道殆將廢矣孔子曰王者有似于春秋正其本而萬物皆正

文王以王季為父以太任為母以太姒為妃以武王周公為子以太顙閼天為臣其本美矣武王正其身以正其國正其國以正天下伐無道刑有罪一動而天下正其事成矣春秋致其時而萬物皆及王者致其道而萬民皆治周公載已行化載亦行矣言行已以行化其身正不令而行也而天下順之其誠至矣曾子曰入是國也言信於羣臣而留可也行忠於鄉大夫則仕可也澤施於百姓則富可也孔子

曰參之言此可謂善安身矣子路為蒲宰為水備與其民修溝瀆以民之勞煩苦也人與之一簞食一壺漿孔子聞之使子貢止之子路忿然不悅往見孔子曰由也以暴雨將至恐有水災故與民修溝洫以備之而民多匱餓者是以簞食壺漿而與之夫子使賜止之是夫子止由之行仁也夫子以仁教而禁其行由不受也孔子曰汝以民為餓也何不白於君發倉廩以賑之而私以余食饋之是汝明君之無惠而見己之德美矣汝速已則

可不已則汝之見罪必矣子路問於孔子曰管仲之爲

人如何子曰仁也

得仁道也

子路曰昔管仲說襄公公不受

是不辯也欲立公子糾而不能是不智也

齊襄公立無常鮑叔牙曰

君使民慢亂將作矣奉公子小白出奔莒公孫無知殺襄公管夷吾召忽奉公子糾奔魯齊人殺無知魯伐齊

納子糾小白自莒先入是為桓公乃殺子糾召忽死之也

家殘於齊而無憂色是不

慈也桎梏而居檻車無慙心是無醜也

言無恥

事所射

之君是不貞也召忽死之管仲不死是不忠也仁人之

道固若是乎孔子曰管仲說襄公襄公不受公之閭也

欲立子糾而不能不遇時也家殘於齊而無憂色是知  
權命也桎梏而無慙心自裁審也事所射之君通於變  
也不死子糾量輕重也夫子糾未成君管仲未成臣管  
仲不度義管仲不死束縛而立功名未可非也召忽雖  
死過與取仁未足多也孔子適齊中路聞哭者之聲其  
音甚哀孔子謂其僕曰此哭哀則哀矣然非喪者之哀  
矣驅而前少進見有異人焉擁鎰帶索哭者不衰孔子  
下車追而問曰子何人也對曰吾丘吾子也曰子今非

喪之所奚哭之悲也丘吾子曰吾有三失晚而自覺悔之何及曰三失可得聞乎願子告吾無隱也丘吾子曰吾少時好學周徧天下後還喪吾親是一失也長事齊君君驕奢失士臣節不遂是二失也吾平生厚交而今皆離絕是三失也夫樹欲靜而風不停子欲養而親不待往而不來者年也不可再見者親也請從此辭遂投水而死孔子曰小子識之斯足為戒矣自是弟子辭歸養親者十有三孔子謂伯魚曰鯉乎吾聞可以與人終日不

倦者其唯學乎其容體不足觀也其勇力不足憚也其先祖不足稱也其族姓不足道也終而有大名以顯聞四方流聲後裔者豈非學之效也故君子不可以不學其容不可以不飭不飭無類無類失親類宜為貌不在飭故無貌不得言不飭無類也禮一貌矜莊然後親愛可久失親不忠情不相親則無忠誠不忠失禮禮以無以立忠信失禮非禮則無以立夫遠而有光者飭也近而愈明者學也譬之汙池水潦注焉蘿葦生焉雖或以觀之孰知其源乎源泉源也水潦注於池而生蘿葦觀者誰知其非源泉也以言學者雖從外入及其用之人誰知其非從此出

也者子路見於孔子曰負重涉遠不擇地而休家貧親乎

老不擇祿而仕昔者由也事二親之時常食藜藿之實為親負米百里之外親歿之後南遊於楚從車百乘積粟萬鍾累茵而坐列鼎而食願欲食藜藿為親負米不可復得也枯魚銜索幾何不盡二親之壽忽若過隙孔子曰由也事親可謂生事盡力死事盡思者也孔子之

鄭鄭國名也少昊之後吾之本縣也鄭子達禮孔子故往詣問焉遭程子於塗傾蓋而

語傾蓋終日甚相親顧謂子路曰取束帛以贈先生贈送車

子路肩然對曰由聞之士不中間見女嫁無媒君子不

以交禮也

中間謂紹介也

有間又顧謂子路子路又對如初孔

子曰由詩不云乎有美一人清揚宛兮邂逅相遇適我願

兮

清揚眉目之間也幽美也幽期而會令願也

今程子天下賢士也於斯不

贈則終身不能見也小子行之孔子自衛反魯息駕于

河梁而觀焉

河水無梁莊周書說孔子於呂梁言事者通渭水為河也

有懸水三十

仞

八尺曰仞

十四丈者也

圓流九十里

圓流回水也水深急則然

魚鼈不能

導龜鼈不能居

道行

有一丈夫方將厲之

渡

孔子使人竝

涯止之曰此懸水三十仞圜流九十里魚鼈鼈不能居  
也意者難可濟也丈夫不以措意遂渡而出孔子問之  
曰巧乎有道術乎所以能入而出者何也丈夫對曰始  
吾之入也先以忠信及吾之出也又從以忠信忠信措  
吾軀於波流而吾不敢以用私所以能入而復出也孔  
子謂弟子曰二三子識之水且猶可以忠信成身親之  
而況於人乎孔子將行雨而無蓋門人曰商也有之子  
夏孔子曰商之為人也甚恠於財恠也吾聞與人交推

其長者違其短者故能久也楚昭王渡江江中有物大如斗圓而赤直觸王舟舟人取之王大怪之遍問羣臣莫之能識王使使聘于魯問于孔子子曰此所謂萍實者也萍水草也可剖而食之吉祥也唯霸者為能獲焉使者返王遂食之大美久之使來以告魯大夫大夫因子游問曰夫子何以知其然曰吾昔之鄭過乎陳之野聞童謠曰楚王渡江得萍實大如斗赤如日剖而食之甜如蜜此是楚王之應也吾是以知之子貢問于孔子曰死

者有知乎將無知乎子曰吾欲言死之有知將恐孝子  
順孫妨生以送死吾欲言死之無知將恐不孝之子棄  
其親而不葬賜不欲知死者有知與無知非今之急後  
自知之子貢問治民於孔子子曰懔懔焉若持腐索之  
杆馬懔懔戒懼之貌杆馬突馬子貢曰何其畏也孔子曰夫通達御  
之皆人也以道導之則吾畜也不以道導之則吾讐也  
如之何其無畏也魯國之法贖人臣妾于諸侯者皆取  
金於府子貢贖之辭而不取金孔子聞之曰賜失之矣

夫聖人之舉事也可以移風易俗而教導可以施之於百姓非獨適身之行也今魯國富者寡而貧者衆贖人受金則為不廉則何以相贖乎自今以後魯人不復贖人於諸侯子路治蒲請見於孔子曰由願受教於夫子子曰蒲其何如對曰邑多壯士又難治也子曰然吾語爾恭而敬可以攝勇寬而正可以懷強愛而恕可以容困

言愛恕者能容困窮

溫而斷可以抑姦如此而加之則正不難矣

三恕第九

孔子曰君子有三恕有君不能事有臣而求其使非恕也有親不能孝有子而求其報非恕也有兄不能敬有弟而求其順非恕也士能明於三恕之本則可謂端身矣孔子曰君子有三思不可不察也少而不學長無能也老而不教死莫之思也有而不施窮莫之救也故君子少思其長則務學老思其死則務教有思其窮則務施伯常騫問於孔子曰騫固周國之賤吏也不自以不

肖將壯而以事君子敢問正道宜行不容於世

正道宜行而世

莫之能貴故行隱道宜行然亦不忍

世亂則隱道為行之則不容於世然亦不忍為隱事

今欲身亦不窮道亦不隱為之有道乎孔子曰善哉子

之問也自丘之間未有若吾子所問辯且說也

辯當其理得其

說丘嘗聞君子之言道矣聽者無察則道不入

言聽者不明察

道則不奇偉不稽則道不信

稽考也聽道者不能考校能入也奇偉則道不見信此言苟

非其人道不虛行

又嘗聞君子之言事矣制無度量則事不成

其政曉察則民不保

保安也政大曉了分察則民不安也

又嘗聞君子之

言志矣剛折者不終則折矣不徑易者則數傷徑輕終其性命矣

志輕

輕則數傷

於義矣

浩倨者則不親

浩倨簡畧不恭

就利者則無

如是則不親矣

不弊

言好利者不可久也

又嘗聞養世之君子矣從輕勿為先從

重勿為後

赴憂患從勞苦輕者宜為後重者宜為先

見像而勿強

像法見

法而已

不陳道而勿拂

拂詭也陳道而已

此四者丘之

所聞也

孔子觀於魯桓公之廟有欹器焉

欹夫子問於

守廟者曰此謂何器

對曰此蓋為宥坐之器

孔子曰吾

聞宥坐之器虛則欹

中則正滿則覆明君以為至誠故

常置之於坐側顧謂弟子曰試注水焉乃注之水中則正滿則覆夫子喟然歎曰嗚呼夫物惡有滿而不覆哉子路進曰敢問持滿有道乎子曰聰明睿智守之以愚功被天下守之以讓勇力振世守之以怯富有四海守之以謙此所謂損之又損之道也孔子觀於東流之水子貢問曰君子所見大水必觀焉何也孔子曰以其不息且遍與諸生而不為也夫水似乎德遍與諸生者  
物得水而後生水不與生而又有不德也其流也則卑下倨邑必循其理比似義浩

浩乎無屈盡之期此似道流行赴百仞之蹊而不懼此似勇至量必平之此似法盛而不求概此似正綽約微達此似察發源必東此似志以出以入萬物就以化繫此似善化也水之德有若此是故君子見必觀焉子貢觀於魯廟之北堂出而問於孔子曰向也賜觀於太廟之堂未既輶還瞻北蓋皆斷焉輶止觀北而之蓋斷絕也彼將有說耶匠過之也孔子曰太廟之堂官致良工之匠匠致良材盡其功巧蓋貴久矣尚有說也尚猶必也言必有說孔子曰吾

有所恥有所鄙有所殆夫幼而不能強學老而無以  
教吾恥之去其鄉事君而達卒遇故人曾無舊言吾  
鄙之事君而達得志於君而見故人曾無舊言與小  
是棄其平生之舊交而無進之之心者乎與小  
人處而不能親賢吾殆之殆危也夫疎賢而近子路  
小人是危亡之道子路  
見於孔子孔子曰智者若何仁者若何子路對曰智者  
使人知已仁者使人愛已子曰可謂士矣子路出子貢  
入問亦如之子貢對曰智者知人仁者愛人子曰可謂  
士矣子貢出顏回入問亦如之對曰智者自知仁者自

愛子曰可謂士君子矣子貢問於孔子曰子從父命孝

臣從君命貞乎奚疑焉孔子曰鄙哉賜汝不識也昔者

明王萬乘之國有爭臣七人則主無過舉

天子有三公四輔主諫爭

以救其過失也四輔前曰疑後曰正左曰輔右曰弼也

千乘之國有爭臣五人則

社稷不危也

諸侯有三卿股肱之臣有内外者也故有五人焉

百乘之家有爭

臣三人

大夫之臣室老家相邑宰凡三人能以義諫諍

則祿位不替父有爭子

不陷無禮士有爭友不行不義

士雖有臣既微且陋不能以義匡其君故須朋

友之諫諍於已然後不得行之者也故子從父命奚詎為孝臣從君

命奚詎為貞夫能審其所從

當詳審所宜從與不

之謂孝之謂貞

矣子路盛服見於孔子子曰由是倨倨者何也夫江始

出於岷山其源可以濫觴

觴可以盛酒言其微

及至江津不

舫舟不避風則不可以涉非唯下流水多邪今爾衣服

既盛顏色充盈天下且孰肯以非告汝乎子路趨而出

改服而入蓋自若也子曰由志之吾告汝奮於言者華

自矜奮於言者華而無實

奮於行者伐

自矜奮行者是自伐

夫色智而有能者

小人也故君子知之曰知言之要也不能曰不能行之

至也言要則智行至則仁既仁且智惡不足哉子路問  
於孔子曰有人於此被褐而懷玉何如褐毛布衣子曰國無  
道隱之可也國有道則袞冕而執玉袞冕文衣  
盛飾也

### 好生第十

魯哀公問於孔子曰昔者舜冠何冠乎孔子不對公曰寡  
人有問於子而子無言何也對曰以君之間不先其太  
者故方思所以為對公曰其大何乎孔子曰舜之為君  
也其政好生而惡殺其任授賢而替不肖德若天地而

靜虛化若四時而變物是以四海承風暢於異類

異類四方

之夷鳳翔麟至鳥獸馴德順無他也好生故也君舍此秋也

道而冠冕是問是以緩對孔子讀史至楚復陳

陳夏徵舒殺其

君楚莊王討之因取而縣之申叔時諫莊王從之還復陳喟然嘆曰賢哉楚王輕千

乘之國而重一言之信匪申叔之信不能達其義匪莊

王之賢不能受其訓孔子嘗自筮其卦得賁焉愀然有

不平之狀子張進曰師聞卜者得賁卦吉也而夫子之

色有不平何也孔子對曰以其離耶在周易山下有火

謂之賁

離下艮上離為火艮為山

非正色之卦也夫質也白宜正白

黑宜正黑今得賁非吾兆也

賁

吾聞丹漆不文白玉不

雕何也質有餘不受飾故也孔子曰吾於甘棠見宗廟

召伯聽訟於甘棠愛其樹作甘棠之詩也

思其人必愛其樹尊

其人必敬其位道也子路戎服見於孔子拔劍而舞之

曰古之君子以劍自衛乎孔子曰古之君子忠以為質

仁以為衛不出環堵之室而知千里之外有不善則以

忠化之侵暴則以仁固之何持劍乎子路曰由乃今聞

此言請攝齊以受教

齊棠下緝也受教者攝齊升堂

楚恭王出遊亡烏

嗥之弓

良弓之名

左右請求之王曰止楚王失弓楚人得之

又何求之孔子聞之惜乎其不大也不曰人遺弓人得

之而已何必楚也孔子為魯司寇斷獄訟皆進衆議者

而問之曰子以為奚若某以為何若皆曰云云如是然

後夫子曰當從某子幾是

近也重獄事故與衆議之

孔子問漆雕馮

曰子事臧文仲武仲及孺子容此三大夫孰賢對曰臧

氏家有守龜焉名曰蔡文仲三年而為一兆武仲三年

而為二兆孺子容三年而為三兆憑從此之見若問三人之賢與不賢所未敢識也孔子曰君子哉漆雕氏之子其言人之美也隱而顯言人之過也微而著智而不能及明而不能見孰克如此克能也而宜為如也魯公索氏索先落反將祭而亡其牲孔子聞之曰公索氏不及二年將亡後一年而亡門人問曰昔公索氏亡其祭牲而夫子知其將亡何也曰夫祭者孝子所以自盡於其親將祭而亡其牲則其餘所亡者多矣若此而不死者未之有也虞芮二國爭田

而訟連年不決乃相謂曰西伯仁人也

西伯盍往質之文王

盍何不  
質正也

入其境則耕者讓畔行者讓路入其邑男女異

路班白不提挈入其朝士讓為大夫大夫讓為卿虞芮

之君曰嘻吾儕小人也

儕等

不可以履君子之庭遂自相

與而退咸以所爭之田為閒田矣孔子曰以此觀之文

王之道其不可加焉不令而從不教而聽至矣哉曾子

曰狎甚則相簡莊甚則不親是故君子之狎足以交歡

其莊足以成禮孔子聞斯言也曰二三子志之孰謂參

也。不知禮乎。哀公問曰：紳委章甫

委委貌章

甫冠名也

有益於仁

乎？孔子作色而對曰：君胡然焉！衰麻苴杖者，志不存乎樂；非耳弗聞，服使然也。黼黻袞冕者，容不襲慢，非性矜莊，服使然也。介胄執戈者，無退懦之氣，非體純猛，服使然也。且臣聞之：好肆不守折。言市弗能為廉而長者不然也。

為市言長者之行則不為市買之事，竊夫其有益與無益，君子所以知

孔子謂子路曰：見長者而不盡其辭，雖有風雨吾為察宜為察。不能入其門矣。故君子以其所能敬人，小人反是。孔子

謂子路曰君子以心導耳目立義以為勇小人以耳目  
導心不懲以為勇故曰退之而不怨先之斯可從已

言人

退之不怨先之則可從足以為師也

孔子曰君子有三患未之聞患不得

聞既聞之患弗得學既得學之患弗能行有其德而無

其言君子恥之有其言而無其行君子恥之既得之而

又失之君子恥之地有餘而民不足君子恥之衆寡均

而人功倍已焉君子恥之

凡與功業多少與人同而功殊倍已故恥之

魯人

有獨處室者隣之釐婦

釐寡婦也

亦獨處一室夜暴雨至

釐婦室壞趨而託焉魯人閉戶而不納釐婦自牖與之  
言子何不仁而不納我乎魯人曰吾聞男女不六十不  
同居今子幼吾亦幼是以不敢納爾也婦人曰子何不  
如柳下惠然嫗不逮門之女國人不稱其亂魯人曰柳  
下惠則可吾固不可吾將以吾之不可學柳下惠之可  
孔子聞之曰善哉欲學柳下惠者未有似於此者期於  
至善而不襲其為可謂智乎孔子曰小辯害義小言破  
道關雎興于鳥而君子美之取其雄雌之有別鹿鳴興

于獸而君子大之取其得食而相呼若以鳥獸之名嫌  
之固不可行也孔子謂子路曰君子而強氣則不得其  
死小人而強氣則刑戮薦臻幽詩曰殆天之未陰雨徹  
彼桑土綢繆牖戶殆及也徹剥也桑土桑根也鴟鴞天  
國家積累之功乃今汝下民或敢侮余今者周公時言  
難成之若此也我先祖致此大  
功至艱而下民敢侵侮我周道謂管蔡  
之亂不可不遏絕之以存周室者也  
孔子曰能治國  
家之如此雖欲侮之豈可得乎周自后稷積行累功以  
有爵土公劉重之以仁及至大王亶父敦以德讓其樹

根置本備豫遠矣初大王都幽狄人侵之事之以皮幣  
不得免焉事之以珠玉不得免焉於是屬耆老而告之  
所欲吾土地吾聞之君子不以所養而害人二三子何  
患乎無君遂獨與大姜去之踰梁山邑於岐山之下幽  
人曰仁人之君不可失也從之如歸市焉天之與周民  
之去殷久矣若此而不能天下未之有也武庚惡能侮

武庚紂子名祿父  
與管蔡共為亂也

鄆詩曰執轡如組兩驂如儻

驂之以  
服和調

中孔子曰為此詩者其知政乎夫為組者總紀於此成

文於彼言其動於近行於遠也執此法以御民豈不化

乎竿旄之忠告至矣哉

竿旄之詩者樂乎善道告人取喻於素絲良馬如組紀之義

謹案目錄第一頁前七行五儀解刊本儀訛義據

正文改

第二頁後二行五刑解刊本刑訛行據正文改

第三頁前四行子夏問刊本子夏訛子貢據正文

改

卷一第二頁後六行而不返我汶陽之田刊本汶

訛泣據左傳改

第三頁前六行四邑鄆謹龜陰也洙有汶陽之田

刊本謹訛護沫有訛殊特據左傳及別本改

第九頁前三行如渴而飲按別本此句上有如饑而食四字

第十頁後八行冕而親迎者按別本作冕而親迎親迎者

第十一頁後六行是傷其親按別本此句下有傷其親三字

第十四頁前七行先勞而後祿不亦易祿乎刊本

脫不亦易祿四字據禮記儒行及別本增

第十五頁後二行儒有內稱不避親外舉不避怨  
利本脫不避親外舉五字據禮記儒行及別本

增

第十六頁後三行今人之名儒也志按禮記儒行  
篇忘作妄

第十九頁後五行然則章甫徇衛履按別本無徇

字

卷二第一頁前五行孔子北遊於農山刊本複行  
於字據別本刪

第五頁前三行齊襄公立無常刊本常訛知據左  
傳及別本改

第十一頁前四行從重勿為後刊本重訛三據別  
本改

第十二頁後二行去其鄉事君而達刊本去字上  
衍去其鄉之四字據別本刪

第十七頁後五行有其言而無其行刊本無字上  
衍以字又六行地有餘而民不足刊本脫餘字  
並據禮記雜記及別本刪增



金匱要略



總校官庶吉士臣張能照  
校對官編修臣曹城  
謄錄監生臣李本

欽定四庫全書會要

子部

家語卷三

四

詳校官員外郎臣潘紹觀



欽定四庫全書

家語卷一萬一百十四

子部

家語卷三

漢 王肅 注

觀周第十一

孔子謂南宮敬叔曰吾聞老聃博古知今敬叔孟僖子子也老聃老子博古知今而好道通禮樂之原明道德之歸則吾師也今將往

矣對曰謹受命遂言於魯君曰臣受先臣之命

先臣云僖子

孔子聖人之後也聖人滅於宋孔子之先去宋奔魯故曰滅於宋也其祖

弗父何始有國而授厲公

弗父何緣公世子厲公兄也讓國以授厲公春秋傳曰以

有宋而授厲公宜始有也始有宋也

及正考父佐戴武宣

正考父何之曾孫也戴武

宣三命茲益恭

命為士一命為大夫再命卿三命是也

故其鼎銘曰有

功德君命銘之於其宗廟之鼎也

一命而僂再命而偃三命而俯

偃恭於僂

俯恭循牆而走

言恭之甚亦莫余敢侮余我之我考父也以

其恭如此故人亦莫

之餧於是粥於是以餧其口

餧糜也為糜粥於此鼎言至儉也

其恭儉

也若此臧孫紇有言聖人之後若不當世

紇臧武仲弗父何殷湯之

後而不繼世為宋君

則必有明德而達者焉孔子少而好禮其將

在矣

將在孔子

屬臣汝必師之今孔子將適周觀先王之遺

制考禮樂之所極斯大業也君盍以乘資之臣請與往

公曰諾與孔子車一乘馬二匹豎子侍御敬叔與俱至

周問禮於老聃訪樂於萇弘

弘周大夫歷郊社之所考明堂

之則

法則察廟朝之度

宗廟朝廷之法度也

於是喟然曰吾乃今知

周公之聖與周之所以王也及去周老子送之曰吾聞

富貴者送人以財仁者送人以言吾雖不能富貴而竊

仁者之號請送予以言乎凡當今之士聰明深察而近

於死者好譏議人者也博辯闊遠而危其身好發人之惡者也無以有己為人子者身父母之有也無以惡己為人臣者言聽則仕不用則退保身全行臣之節也孔子曰敬奉教自周反魯道彌尊矣遠方弟子之進蓋三千焉孔子觀乎明堂覩四門墉有堯舜與桀紂之象而各有善惡之狀興廢之誠焉又有周公相成王抱之負斧扆南面以朝諸侯之圖焉世之博學者謂周公便履天子之位失之遠矣孔子徘徊而望之謂從者曰此周公所以盛也夫明鏡所以察形往古者所以知今人

主不務襲迹於其所以安存而急急所以危亡是猶未  
有以異於却走而欲求及前人也豈不惑哉孔子觀周  
遂入太祖后稷之廟廟堂右階之前有金人焉參緘其  
口而銘其背曰古之慎言人也戒之哉無多言多言多

敗無多事多事多患安樂必戒

雖處安樂必警戒也無所行悔言當詳而後行

所悔之事不可復行勿謂何傷其禍將長勿謂何害其禍將大勿

謂不聞神將伺人焰焰不滅炎炎若何涓涓不壅終為

江河綿綿不絕或成網羅

綿綿微細若不絕則有成羅網者也

毫末不札

將尋斧柯如毫之末言至微也誠能慎之福之根也曰是

也札拔也尋用也

何傷禍之門也強梁者不得其死好勝者必遇其敵盜

憎主人民怨其上君子知天下之不可上也故下之知

衆人之不可先也故後之溫恭慎德使人慕之執雌持

下人莫踰之人皆趨彼我獨守此人皆或之我獨不徙或

東西轉移之貌

內藏我智不示人技我雖尊高人弗我害誰能

於此江海雖左長於百川以其卑也

水陰長右海江雖在於其左而能為

百川長以天道無親而能下人戒之哉孔子既讀斯文  
其能下

也顧謂弟子曰小子識之音志此言實而中情而信詩云

戰戰兢兢如臨深淵如履薄冰

戰戰恐也兢兢戒也

行身

也恐墜也恐陷也

如此豈以口過患哉孔子見老聃而問焉曰甚矣道之

於今難行也吾比執道而今委質以求當世之君而弗

受也道於今難行也老子曰夫說者流於辭

流猶過失也

聽

者亂於辭知此二者則道不可以忘也

### 弟子行第十二

衛將軍文子

衛卿名彌年也

問於子貢曰吾聞孔子之施教也

先之以詩書導之以孝悌說之以仁義觀之以禮樂然後成之以文德蓋入室升堂者七十有餘人其孰為賢子貢對以不知文子曰以吾子常與學賢者也何為不知子貢對曰賢人無妄賢人無妄言舉動不妄知賢即難故君子之言曰智莫難於知人是以難對也文子曰若夫知賢莫不難今吾子親遊焉是以敢問子貢曰夫子之門人蓋有三千就焉賜有逮及焉未逮及焉故不得偏知以告也文子曰吾子所及者請聞其行子貢對曰夫能夙

興夜寐諷誦崇禮行不貳過

貳再也 有不善未嘗不稱 知知之未嘗復行也

言不苟

舉言典法 不苟且也

是顏回之行也孔子說之以詩曰媚

茲一人應侯慎德

一人天子也應當也侯惟也言顏淵德足以媚愛天子當於其心惟慎

永言孝思孝思惟則

言能長是孝道足以為法則也

若逢有德之君

世受顯命不失厥名以御于天子則王者之相也在貧

如客

言不以貧累志 孚莊如為客也

使其臣如借

言不有其臣 如借使之也

不遷怒

不深怨不錄舊罪是冉雍之行也孔子論其材曰有土

之君子也有衆使也有刑用也然後稱怒焉

言有土地之君有衆

足使有利足用然後可以稱怒冉雍非有土之君故使其臣如借而不加怒也

孔子告之以詩

曰靡不有初鮮克有終冉雍能終其行

冉雍能終其行

匹夫不怒唯以亡其身

因說不怒之義遂及匹夫以怒亡身

不畏強禦不侮矜寡其言循性循其

誣其情其都以富

仲由長材任治戎

戎軍是仲由之行

也孔子和之以文說之以詩曰受小共大共而爲下國

駿厖荷天子之龍

孔子曰和仲由以文說之以詩此其義也

言受大小法爲下國大

義也共法也駿大也厖厚也龍和也

厚乃可任天下道也

不懼不悚敷奏其勇

難恐悚懼敷陳奏薦

强乎武哉文不勝其質

言子路強勇文不勝其質

恭老卹幼不忘賓

賓旅謂  
寄客也

好學博藝省物而勤也

省錄諸事

是冉求之  
而能勤也

行也孔子因而語之曰好學則智恤孤則惠恭則近禮勤則有繼堯舜篤恭以王天下其稱之也曰宜為國老

國老助  
宣德教

齋莊而能肅志通而好禮儕相兩君之事篤雅

有節是公西赤之行也子曰禮經三百可勉能也

禮經  
三百

可勉學威儀三千則難也

能躬行三千之威儀則難

而能知

威儀三千則難也

能躬行三千之威儀則難

而能知

西赤問曰何謂也子曰貌以儕禮禮以儕辭是謂難焉

言所以為者當觀容貌而儕相其禮度其禮而儕相其辭度事制宜故難也

衆人聞之以為

成也孔子語人曰當賓客之事則達矣

衆人聞公西赤能行三千之威

儀故以為成也孔子曰當賓客之本體也事則達未盡達於治國之本體也

謂門人曰二三子之

欲學賓客之禮者其於赤也滿而不盈實而如虛過之

如不及先王難之

益而如虛過而不及是先王之所難而曾參體其行

博無不學

其貌恭其德敷其言於人也無所不信其驕大人也常

以浩浩

浩然志大驕大貌也大人富貴者也

是以眉壽

不慕富貴安靜虛無所以為之富貴

是曾參之行也孔子曰孝德之始也悌德之序也

悌以敬長

是德之次序也信德之厚也忠德之正也參中夫四德者也以

此稱之美功不伐貴位不喜不侮不失

侮佚貪功

不傲

無告

鯀寡孤獨此四者天民之窮而無言者也子張之行不做此四者

是顓孫師之行

也孔子言之曰其不伐則猶可能也其不弊百姓則仁

也

不弊愚百姓即所謂不傲之也

詩云愷悌君子民之父母

愷樂也悌易也樂以

強教之易以悅安之民皆有父之尊母之親也

夫子以其仁為大學之深

學而能入

其深送迎必敬送迎賓客常能敬也

上交下接若截焉是卜商之義也

行也孔子說之以詩曰式夷式已無小人殆

式用夷平也言用平

則已也殆危也無以小人至於危也

若商也其可謂不險矣

險危也言子夏常厲以斷

之近小人  
斯不危

貴之不喜賤之不怒苟利於民矣廉於行已

其事上也以佑其下

言所以事上乃是欲佑助其下也

是澹臺滅明之行

也孔子曰獨貴獨富君子恥之夫也中之矣

夫謂滅明中猶當也

先成其慮及事而用之故動則不妄是言偃之行也孔

子曰欲能則學欲知則問欲善則詳

欲善其事當詳慎也

欲給則

豫

事欲給而不礙

當是而行偃也得之矣獨居思仁公

言言義其於詩也則一日三復白圭之玷

玷缺也詩曰白圭之玷尚

可磨也斯言之玷不可為

是宮縮之行也孔子信其能也一日三復之慎之至也

仁以為異士

殊異之士也大戴引之曰以為異姓婚姻也以兄之女妻之者也

自見孔

子出入於戶未嘗越禮往來過之足不履影

言其往來常跡故跡

不履啓蟄不殺春分當發蟄蟲啓戶咸影也

方長不折

春夏生長

養時草木不折孰親之喪未嘗見齒是高柴之行也孔子曰柴

於親喪則難能也啓蟄不殺則順人道方長不折則恕

仁也成湯恭而以恕是以日躋

躋升也成湯行恭而能恕出見搏鳥焉四面施網

乃去其三面詩曰湯降不遲聖敬日躋言湯疾行下人之道其聖敬之德日升聞也

凡此諸子

賜之所親覩者也吾子有命而訊賜

訊問賜也固不足以

知賢文子曰吾聞之也國有道則賢人興焉中人用焉

中庸之人為時用也乃百姓歸之若吾子之論既富茂矣壹諸侯

之相也

壹皆

抑世未有明君所以不遇也子貢既與衛將

軍文子言適魯見孔子曰衛將軍文子問二三子之於

賜不壹而三焉賜也辭不獲命以所見者對矣未知中

否請以告孔子曰言之乎子貢以其辭狀告孔子子聞

而笑曰賜汝次為人矣

言為知人之次

子貢對曰賜也何敢知

人此以賜之所覩也孔子曰然吾亦語汝耳之所未聞

目之所未見者豈思之所不至智之所未及哉子貢曰  
賜願得聞之孔子曰不克不忌不念舊惡蓋伯夷叔齊  
之行也思天而敬人服義而行信孝於父母恭於兄弟  
從善而不教蓋趙文子之行也其事君也不敢愛其死  
然亦不敢忘其身謀其身不遺其友君陳則進而用之  
陳謂陳列於君為君之使用也不陳則行而退蓋隨武子之行也其為  
人之淵源也多聞而難誕誕歎內植足以沒其世國家有  
道其言足以治無道其默足以生蓋銅鞮伯華之行也

外寬而內正自極於隱括之中

隱括所  
以自極

直已而不直人

汲汲於仁以善自終蓋蘧伯玉之行也孝恭慈仁允德

圓義

允信也圖謀也

約貨去怨

夫利怨之所聚故約省其貨以遠去其怨

輕財不匱

蓋柳下惠之行也其言曰君雖不量於其身

謂不量度其臣之德器也

臣不可以不忠於其君是故君擇臣而任之臣亦擇君

而事之有道順命

君有道則順從其命

無道衡命

衡橫也謂不受其命而隱居者

也蓋晏平仲之行也蹈忠而行信終日言不在尤之內

過尤國無道處賤不閔

閔憂

貧而能樂蓋老菜子之行也易

行以俟天命

易治

居下不援其上

雖在下位不攀援其上以求進

其親觀

於四方也不忘其親不盡其樂

雖有觀四方之樂常以念其親不盡其歸之

不能則學不為已終身之憂

凡憂憂所知不能則學何憂之有

蓋介子

山之行也子貢曰敢問夫子之所知者蓋盡於此而已

乎孔子曰何謂其然亦畧舉耳目之所及而已昔晉平

公問祁奚曰羊舌大夫晉之良大夫也其行如何祁奚

辭以不知公曰吾聞子少長乎其所

於其長

今子掩之何

也祁奚對曰其少也恭而順心有恥而不使其過宿

常心

有所恥惡及其有過不令更宿輒改

其為大夫悉善而謙其端盡善道而謙讓是其

正其為輿尉也信而好直其功

言其功直

至於其為容也溫良而好禮博聞而時出其志

時出以其出之誨未及之是其志也

公曰曇

者問子子奚曰不知也祁奚曰每位改變未知所止是以不敢得知也此又羊舌大夫之行也子貢跪曰請退而記之

賢君第十三

哀公問於孔子曰當今之君孰為最賢孔子對曰丘未

之見也抑有衛靈公乎公曰吾聞其閨門之內無別而  
子次之賢何也孔子曰臣語其朝廷行事不論其私家  
之際也公曰其事何如孔子對曰靈公之弟曰公子渠  
牛其智足以治千乘其信足以守之靈公愛而任之又  
有士曰林國者見賢必進之而退與分其祿是以靈公  
無遊放之士靈公賢而尊之又有士曰慶足者衛國有  
大事則必起而治之國無事則退而容賢言其所以退  
者欲以容賢

朝於靈公悅而敬之又有大夫史鮒以道去衛而靈公郊

舍三日琴瑟不御必待史鮒之入而後敢入臣以此取  
之雖次之賢不亦可乎子貢問於孔子曰今之人臣孰  
為賢子曰吾未識也往者齊有鮑叔鄭有子皮則賢者  
矣子貢曰齊無管仲鄭無子產子曰賜汝徒知其一未  
知其二也汝聞用力為賢乎進賢為賢乎子貢曰進賢  
賢哉子曰然吾聞鮑叔達管仲子皮達子產未聞二子  
之達賢已之才者也哀公問於孔子曰寡人聞忘之甚  
者徒而忘其妻有諸孔子對曰此猶未甚者也甚者乃

忘其身公曰可得而聞乎孔子曰昔者夏桀貴為天子  
富有四海忘其聖祖之道壞其典法廢其世祀荒于淫  
樂耽湎于酒佞臣諂諛窺導其心忠士折口逃罪不言  
折口杜口天下誅桀而有其國此謂忘其身之甚矣顏淵將  
西遊於宋問於孔子曰何以為身子曰恭敬忠信而已  
矣恭則遠於患敬則人愛之忠則和於衆信則人任之  
勤斯四者可以政國豈特一身者哉特  
但故夫不比於數不比於親數近殊遠也不修其中而修外者不  
而比於疎不亦遠乎

不比親數近殊遠也

亦反乎慮不先定臨事而謀不亦晚乎孔子讀詩于正月六章惕然如懼曰彼不達之君子豈不殆哉從上依世則道廢違上離俗則身危時不興善已獨由之則曰非妖即妄也故賢也既不遇天恐不終其命焉桀殺龍逢紂殺比干皆是類也詩曰謂天蓋高不敢不局謂地蓋厚不敢不蹐此正月六章之辭也局曲也言天至高已不敢不曲身危行恐上觸忌諱也蹐足也言地至厚已不敢不卑屈也此言上下畏罪無所自容也子路問於孔子曰賢君治國所先者何孔子曰在於

尊賢而賤不肖子路曰由聞晉中行氏尊賢而賤不肖  
矣其亡何也孔子曰中行氏尊賢而不能用賤不肖而  
不能去賢者知其不用而怨之不肖者知其必已賤而  
讐之怨讐竝存於國隣敵構兵於郊中行氏雖欲無亡  
豈可得乎孔子閒處喟然而歎曰嚮使銅鞮伯華無死  
則天下其有定矣子路曰由願聞其人也子曰其幼也  
敏而好學其壯也有勇而不屈其老也有道能下人有  
此三者以定天下也何難乎哉子路曰幼而好學壯而

有勇則可也若夫有道下人又誰下哉子曰由不知吾  
聞以衆攻寡無不剋也以貴下賤無不得也昔者周公  
居冢宰之尊制天下之政而猶下白屋之士草屋也日見

百七十人斯豈以無道也欲得士之用也惡有有道而  
無下天下君子哉齊景公來適魯舍于公館使晏嬰迎  
孔子孔子至景公問政焉孔子荅曰政在節財公悅又  
問曰秦穆公國小處僻而霸何也孔子曰其國雖小其  
志大處雖僻而其政中其舉也果其謀也和法無私而

令不愉

偷宜為偷  
偷苟且也

首拔五羖爵之大夫

首宜為身五羖  
大夫百里奚也

與語三日而授之以政此取之雖王可其霸少矣景公

曰善哉哀公問政於孔子孔子對曰政之急者莫大乎

使民富且壽也公曰為之奈何孔子曰省力役薄賦斂

則民富矣敦禮教遠罪疾則民壽矣公曰寡人欲行夫

子之言恐吾國貧矣孔子曰詩云愷悌君子民之父母

未有子富而父母貧者也衛靈公問於孔子曰有語寡

人有國家者計之於廟堂之上則政治矣何如孔子曰

其可也愛人者則人愛之惡人者則人惡之知得之已者則知得之人所謂不出環堵之室而知天下者知反已之謂也孔子見宋君君問孔子曰吾欲使長有國而列都得之國之列都皆得其道吾欲使民無惑吾欲使士竭力吾欲使日月當時吾欲使聖人自來吾欲使官府治理為之奈何孔子對曰千乘之君問丘者多矣而未有若君之間問之悉也然主君所欲者盡可得也丘聞之鄰國相親則長有國君惠臣忠則列都得之不殺無辜無

釋罪人則民不惑士益之祿則皆竭力尊天敬鬼則日  
月當時崇道貴德則聖人自來任能黜否則官府治理  
宋君曰善哉豈不然乎寡人不佞不足以致之也孔子  
曰此事非難唯欲行之云耳

辯政第十四

子貢問於孔子曰管者齊君問政於夫子夫子曰政在  
節財魯君問政於夫子夫子曰政在諭臣葉公問政於  
夫子夫子曰政在悅近而來遠三者之間一也而夫子

應之不同然政在異端乎孔子曰各因其事也齊君為國奢乎臺榭淫于苑囿五官伎樂不懈於時一旦而賜人以千乘之家者三故曰政在節財魯君有臣三人孟孫叔孫季孫三人內比周以愚其君外距諸侯之賓以蔽其明故曰政在諭臣夫荆之地廣而都狹民有離心莫安其居故曰政在悅近而來遠此三者所以為政殊矣詩云喪亂蔑資曾不惠我師蔑無也資財也師衆也夫為亡亂之政重賦厚斂民無資財曾莫肯愛我此傷奢侈不節以為亂者也又曰匪其止共惟王

之卽

止息也卽病也讒人不共所止息故惟王之病

此傷姦臣蔽主以為亂也

又曰亂罹瘼矣奚其適歸

離憂也瘼病也言離散以成憂憇禍亂於斯歸於禍亂者

也此傷離散以為亂者也察此三者政之所欲豈同乎哉

孔子曰忠臣之諫君有五義焉一曰謗諫

正其事以謗諫其君

二曰諫諫

諫諫無文飾也

三曰降諫

卑降其體所以諫也

四曰直諫五曰

諷諫唯度主而行之吾從其諷諫乎

風誦依違遠罪避害者也

子曰

夫道不可不貴也中行文子倍道失義以亡其國而能

禮賢以活其身

此說背義失道不宜說得道之意而云禮賢不與上相次配又文子無禮賢之

事中行文子得罪於晉出亡至邊從者曰謂此嗇夫者君子也故休馬待駿者文子曰吾好音子遺吾琴好珉子遺吾玉是以不振吾過自容於我者也吾恐其以我求容也遂不入車人聞文子之所言執而不殺之孔子聞之曰文子倍道失義以亡其國然得之猶活其身惟能禮賢為急故能活其身也聖人轉禍為福此謂是與若入將死不入得活故曰轉禍為福

楚王將遊荆臺司馬子

祺諫王怒之令尹子西賀於殿下諫曰今荆臺之觀不可失也王喜拊子西之背曰與子共樂之矣子西步馬十里引轡而止曰臣願言有道王肯聽之乎王曰子其言之子西曰臣聞為人臣而忠其君者爵祿不足以賞

也諫其君者刑罰不足以誅也夫子祺者忠臣也而臣  
者諛臣也願王賞忠而誅諛焉王曰今我聽司馬之諫  
是獨能禁我耳若後世遊之何也子西曰禁後世易耳  
大王萬歲之後起山陵於荆臺之上則子孫必不忍遊  
於父祖之墓以為歡樂也王曰善乃還孔子聞之曰至  
哉子西之諫也入之於千里之上抑之於百世之後者  
也子貢問於孔子曰夫子之於子產晏子可為至矣敢  
問二大夫之所為且夫子之所以與之者孔子曰夫子

產於民為惠主於學為博物晏子於君為忠臣於行為  
恭敏故吾皆以兄事之而加愛敬齊有一足之鳥飛集  
於公朝下止於殿前舒翅而跳齊侯大怪之使使聘魯  
問孔子孔子曰此鳥名曰商羊水祥也箇童兒有屈其  
一脚振訊兩眉而跳且謠曰天將大雨商羊鼓儻今齊  
有之其應至矣急告民趨治溝渠修隄防將有大水為  
災頃之大霖雨水溢泛諸國傷害民人唯齊有備不敗  
景公曰聖人之言信而有徵矣孔子謂宓子賤曰子治

單父衆悅子何施而得之也子語丘所以為之者對曰  
不齊之治也父恤其子其子恤諸孤而哀喪紀孔子曰  
善小節也小民附矣猶未足也曰不齊所父事者三人  
所兄事者五人所友事者十一人孔子曰父事三人可  
以教孝矣兄事五人可以教悌矣友事十一人可以舉  
善矣中節也中人附矣猶未足也曰此地民有賢於不  
齊者五人不齊事之而稟度焉皆教不齊之道孔子歎  
曰其大者乃於此乎有矣答堯舜聽天下務求賢以自

輔夫賢者百福之宗也神明之主也惜乎不齊之所以治者小也子貢為信陽宰將行辭於孔子孔子曰勤之慎之奉天子之時無奪無伐無暴無盜子貢曰賜也少而事君子豈以盜為累哉孔子曰汝未之詳也夫以賢代賢是謂之奪以不肖代賢是謂之伐緩令急誅是謂之暴取善自與是謂之盜盜非竊財之謂也吾聞之知為吏者奉法以利民不知為吏者枉法以侵民此怨之所由也治官莫若平臨財莫如廉廉平之守不可改也

匿人之善斯謂蔽賢揚人之惡斯為小人內不相訓而  
外相謗非親睦也言人之善若已有之言人之惡若已  
受之故君子無所不慎焉子路治蒲三年孔子過之入  
其境曰善哉由也恭敬以信矣入其邑曰善哉由也忠  
信而寬矣至庭曰善哉由也明察以斷矣子貢執轡而  
問曰夫子未見由之政而三稱其善可得聞乎孔子曰  
吾見其政矣入其境田疇盡易草萊甚辟溝洫深治此  
其恭敬以信故其民盡力也入其邑牆屋完固樹木甚

茂此其忠信以寬故其民不偷也至其庭庭甚清閒諸  
下用命此其言明察以斷故其政不擾也以此觀之雖  
三稱其善庸盡其美乎

家語卷三